

Uuccâalmottâs: Sämmlilij tuotâvuotâ- já sovâdâttâmkomissio čäällimkode vuávájeijee, 3 tooimâ

Staatäräädi lii ohtsâšpargoost Sämitiggijn já Nuorttälilij sijdâčuákkimáin asâttâm Sämmlilij tuotâvuotâ- já sovâdâttâmkomissio, mon toimâpaje lii 28.10.2021-31.12.2023. Sämmlilij tuotâvuotâ- já sovâdâttâmkomissio mittomeerrin lii tubdâđ já árvuštállâđ sämmlilij feerim historjálii já tááláá olgoštem. Taas kuleh eereeb iärrás staatâ suddâluttempoliitik sehe vuoigâdvuodâi luávkkámeh.

Komissio pargon lii čielgâdiđ, ete maht taah vaigutteh sämmliláid já sii siärvusân tááláá tiileest. Sämmlilij tuotâvuotâ- já sovâdâttâmkomissio lii pargostis asâtemmiärdâs mielđ jiečânâs já sorjomettum.

Sämmlilij tuotâvuotâ- já sovâdâttâmkomissio ráhtâ pargostis raapoort, mii siskeeld konkretlijđ toimâiävtuttásâid. Raapoort luovâttuvvoo staatärááđán, Sämitiigán já Nuorttälilij sijdâčuákkimân majemustáá 31.12.2023. Komissioost láá vittâ sierâ uásipeelij iävtuttem komissaar. Komissio pargo toorjân pálkááttuvvoo čäällimkode. Komissio väljee olssis uáivičällee já eres čäällimkode jesâniđ. Komissio čäällimkode tuáimá haldâttâhlávt staatäräädi kanslia ohtâvuodâst já kanslia tuárju keevâtlilij toimâm staatâ budjetist miedettum meriruodâin.

Staatäräädi kanslia julgáášt ávusin

sämmlilij tuotâvuotâ- já sovâdâttâmkomissio čäällimkode 3 vuávájeijee

meriáigásii virgekoscâvuodâ komissio toimâpaje ááigán 31.12.2023 räi. Meriáigásâšvuodâ suijân lii pargo luándu.

Vuávájeijen pargee ulmuu pargoid kuleh čäällimkode almoliij haaldâtlilij pargoh, tego ekonomia- já mätkihaldâttâh, sehe olášuttem koordinistem uáivičällee toorjân. Taas kuleh ei. kuullâmtilálâšvuodâi vuávámân já keevâtlilij orniimâid sehe maadhij orniimân lohtâseijee pargoh. Vuávájeijee västid viestâdem vuávámist komissio siste já olgokulij. Pargoid kulá viestâdem sierâ kanavijn já ohtsâšpargojuávhuin. Toos lasseen pargo luávdá nettisijđoi já šleđgâlij pargotilij paijeentoollâm. Vuávájeijee puáhtâ toimâđ komissio eres tooimân lohtâseijee pargoin tienuuvvt, ko sierâ suápih. Vuávájeijei siskáldâs pargojuávust já tiäddutmijn puáhtâ tärhibeht sooppâđ, ko toimâ álgá.

Occein váttoo sâmkielâ pyeri njálmálâš já kirjálâš táidu. Occei annoo hiättun tulkumtáidu sâmkielâst / sâmkielân sehe šiev sâmkulttuur tubdâm. Occest váttoo asâttum virgeulmuin vattum päikkieennâmlilij kielâi táidu, eres (erom. engâlâškielâ, tárukielâ) kielâtáidu. Vuávájeijest kalga leđe táidu pyevtittid sierrejum teevstâ, raportijđ já čuákánkiásuid. Toos lasseen pyereh vuáruvaikuttástááiduh, ohtsâšpargonaavcah sehe hárijnem viestâdem já almohaldâttuv pargoin ovdedeh pargo miänástum hoittám. Pargoi hoittám tuárju hiäivulâš áammátlâš tođhos tâi škovlim.

Čäällimkode toimâpäikki šadda leđe sâmmilij päikkikuávlust, mon occee kalga väldid huámmášumán. Täärhib soijimpäikkikodde čialgá majeláá. Pargo váátá mieldiorroom toimâpääihist já uásild madhášem pargoi vaattâm vijdesvuodâst. Pargoost lii káiduspargomáhdulášvuotâ.

Pälkki lii euroin já tot lii mättim já tárhibeht meridum pargoi miel suulân 3000-3500 euro kooskâst.

Viirgán tâi paargon valjimnâál ulmust puáhtá toohâđ occee mietâmáin persovntorvolášvuotâčielgâdem (Torvolášvuotâčielgâdemlaahâ 726/2014). Torvolášvuotâčielgâdemmonáttálmist já čielgâdem čuosáttuv vuoigâdvuodâin kávnovej tâärhib tiáduh čujottâsâst www.supo.fi.

Virgekoskâvuodâst puáhtá anneeđ enâmustáá kuttâ mánuppaje keččâlemääigi.

Lasetiáđuid pargoost adelává komissio saavâjodetteijee Irja Jefremoff puh. 040 7741 048 sehe vuávájeijee Maiju Ranta (staatâräädi kanslia) puh. 050 4557402.

Tooimâi uuccâmâigi álgá 10.1.2022. Staatâräädi kanslian čujottum ucâmušâid táttup toimâttid **majemustáá 26.1.2022 tme 16.15** räi vuosâsaajeest šledgâlii luámáttuvvâin čujottâsâst www.valtiolle.fi (ID 23-90-2021 stivree njuolgist almottâsân). Maŋadist puáttám ucâmušah iä valduu huámmášumán. Ucâmuš puáhtá toimâttid meid staatâräädi kanslia kirjimkontturân postâčujottâssáin PL 23, 00023 Valtioneuvosto tâi kollimčujottâssáin Ritarikatu 2 B, Helsinki tâi šledgâpostáin kirjaamo.vnk@gov.fi